

Augsburg, 23. Mai 1580

An Joachim Camerarius d. J.

UB Erlangen, Briefslg. Trew, Wolf, Hieronymus, Nr. 16 (nicht eigenhändig bis auf die Unterschrift und die Empfehlungsformel).

S. Abunde mihi gratiam, quae nulla debetur (cum ego potius adhuc in aere tuo sim) vir clarissime domine et amice colende, relatam esse existimo, quòd meas nugas, indignas lectione doctorum virorum (adolescentibus enim eae scriptae sunt) in optimam partem accepisti. Missem easdem et ad fratrem tuum Philippum, et ad alios patronos atque amicos, grati animi utcunque declarandi ergò, si plura exempla libellorum huc allata fuissent. De vita parentis tui et descriptione annotationum Suidae, id statuas uelim, quod prudentiae tuae visum, et rationibus accommodatum fuerit. Ego sanè paternas annotationes cum Suida Graeco coniungi, et propter honorem familiae uestrae, et ob publicam utilitatem, ualde cupio.

Praeterea cum iam rogatu Episcopij in latino Suida corrigendo et augendo laborem: etiam conversioni meae aliquid auctarij et ornamenti è chartis Graecis, quas ad me miseris, accessurum confido: Vale. Augustae Vindelicorum. 23 Maij Anno 1580.

Hiero[nymus] Wolfius  
Tuus et tuorum.